

Sámi girkobeavvit nuoraid čalmmiiguin

Vidát Sámi girkobeavvit ordnejuvvojit 5.-7.8.2022 Anáris fáddán Bassi Dolla – Bassi Álbmot. Girkobeavvit čohkkejit oktii mángga agát sápmelaččaid ee. semináraide, ipmilbálvalusaide ja lávlut árbevirolaš sápmelaš sálmmaid ovttas, ja deaivvadit nuppiideaset. Nuorat leat leamašan girkobeivviid prográmma plánemis mielde ja sin prográmma bovde nuoraid searvat fárrui oppa sámevuovllus. Nuoraid prográmma plánenbargu lea nuoraiddoaibmagottis, man lea namuhan girkobeivviid prográmmalávdegoddi.

Nuoraid prográmma álgá juo duorastaga 4.8.2022 eahketbeavve. Anára searvegote nuoraidbargi **Viivi Törmänen** muitala, ahte okta nuoraidprográmma bearraliin lea duorastaga vánddardeapmi Pielpajávrrri girkui, gos dollojuvvo rohkos. Nuorain lea maiddá eará prográmma ja dolastallan girku luhtte.

- Vuorddán olu dan, daningo das oidno čielgasit oktavuoha lundui, historjjá, árbevierut ja vuoiŋŋalaš eallima guovddáš, go vánddardit meahci čađa dálvegillái girkui, Viivi Törmänen muitala. Törmänen muitala vel, ahte girkobeivviin lea hálidan deattuhit erenomážit somás ovttas servvoštallama.

Sáranne Näkkäljärvi lea Anára searvegote stuorut ja vuordá girkobeivviid duođaid olu.

- Mu mielas prográmma lea duođaid buorre ja lea buorre, ahte lea olu molssaeavttut, Sáranne Näkkäljärvi muitala.

Meassu doaimmahuvvo ovttas

Nuoraid meassu doaimmahuvvo lávvardaga 6.8. dii 20.30 girkobeavvelávus. Meassu plánemii lea várrejuvvon maiddá bargobádji lávvardaga dii 11. Ovttasvástádus nuoraid meassu plánemis lea Ruođa girku báhppa Kim Rehnmanis ja meassu doaimmahuvvo ovttas nuoraiguin.

Nuoraid prográmma gávdno girkobeivviid neahttasiidduin, liŋka nuoraid prográmmii lea [Nuoraid prográmma / Ungdom / Youth - evl.fi](https://www.nuoraid.fi/). Nuoraid idjadeapmi lea ordnejuvvon Vasatokkai, gos lea maiddá eahketkáfea nuoraide. Nuoraid prográmma idjadeami gánniha juo jearrat [Nuoriso- ja luontomatkailukeskus Vasatokas, Anáris](https://www.luontomatkailukeskusvasatokas.fi/).

Sámi girkobeavvit lea girkolaš dáhpáhus, man guovddáš lea sápmelaš ipmilbálvaluseallin. Ovdamearkka dihte oktasaš rohkos ja sálbmaveaisidan árbevierru nannejit ja dorjot sápmelaččaid vuoiŋŋalaš oktavuoda. Prográmmas leat maiddá konsearttat ja kulturprográmma, ságastallamat ja seminárat. Dáhpáhusa ulbmilin lea nannet ja doarjut sámegeielaid ja ovddidit sámegeielaid geavaheami girkuin. Girkobeivviid ságastallamiin gieđahallet maiddá davvi vuovllu nanaguoddevaš ovdáneami ja sápmelaččaid girkolaš doaimmaid ovddideami. Fáddán leat maiddá duohtavuoha- ja soabadanprosessii gullevaš áššit.

Sámi girkobeivviid ordnejit Suoma ev.-lut. girku sámebarggu ráđđádallangoddi, Sámi girkoráđit Norgga ja Ruođa girkus, Oulu bismagoddi, Anára searvegoddi ja Oulu ortodoksalaš bismagoddi.

Lassidieđut:

Girku sámebarggu čáli Erva Niittyvuopio tlf. 040 769 0044, erva.niittyvuopio@evl.fi

Dehálaš liŋkkat: (Lähde: evl.fi)


[Tapahtuman verkkosivu](#)

[Nuorten ohjelma, nuoraid prográmma / Ungdom / Youth – evl.fi](#)

[Saamelaisten kirkkopäivien ohjelma](#)

[Tietoa majoitusvaihtoehdoista](#)

Suoma ev.lut. girku sámebarggu ruoktosiidu: www.evl.fi/sapmi



Sámi girkobeavvit Anáris
Säämi kirkkopeevih Anarist
Sää'm ceerkavpeeiv Aanrest
Saemiej gárhkoebiejjieh Aanarisnie
5.-7.8.2022

Son gásttaša din Bassi Vuoinjain ja dolain.
(Matt. 3:11)

Bassi Dolla – Bassi Álbmot
Pase Tullá – Pase Aalmug
Páá'ss Toll – Páá'ss Meer
Aejlies Dállle – Aejlies Áálmege
Aejlies Dállle – Aejlies Almetjh
Ájles Dállla – Ájles Almatjh
Ájlis Dállá – Ájlis Álmmuk
Ájles Dállá – Ájles Álbmuk
Helig Eld – Heligt Folk
Hellig Ild – Hellig Folk
Pyhä Tuli – Pyhä Kansa
Святой Огонь – Святой Народ

Ordneajeaddjit – Öörnijh – Uárnejeijeh – Riássi

Girkoráđdehus – Kirkkohallitus – Kyrkostyrelsen • Oulu bismagoddi – Oulun hiippakunta – Uleåborgs stift • Anára searvegoddi – Inarin seurakunta – Enare församling • Barents girkuid ráđđi – Barentsin kirkkojen neuvosto – Barents kyrkliga råd • Oulu ortodookslaž aa'rhelká'dd – Uleåborgs ortodoxa stift • Ruota Sámi girkoráđdi • Norgga Sámi girkoráđdi

Saamelaiset kirkkopäivät 2022 - evl.fi